

mane, sira da deskaregadu ina hotu Bali, ita la deskonfia ró husi Indonézia, maibé husi sinalis satellite nian hatudu katak, ró illegal lubuk ida uza ita-nia simbolu RDTL sira ba deskaregadu iha Bali," hakotu ministru. (res)

mak durante ne e MAP naio ona, no balun sei planeadu hela," esplika sekretáriu estadu.

Enkuantu, atividade foun seluk ne'ebé MAP halo ona hanesan kuda ai-oan rihun lima res in iha fatin istóriku Ramelau husi ai-horis hanesan ai tasik, ai-

agrikultor ina minisíriu ergueira orgullu servisu MAP ne'ebé distribui ona kafé-oan ba povu agrikultor sira atu halo reabilitasaun ba kafé sira ne'ebé tuan ona, no kuda filafali kafé oan, tanba kafé huun kuandu tuan ona maka la fó fuan di'ak. (jxy)

Camões-UE Aprezenta Fundu 12.600.000 ba TL

DILI—Institutu Camões-IP no União Europeia (UE) iha Timor-Leste (TL) apresenta fundu ho valór dollar milliaun 12, rihun 600 (US\$ 12.600.00,00) ba Timor-Leste hodi reforsa planeamento, jestaun, auditória, monitória, responsabilizasaun no supervizaun ba uzu finansa pública, hodi hetan prestasaun servisu ida di'ak liu.

"Área seluk, nu'udar kooperasaun portugeza ami apoiu iha formasaun língua ba profesór sira iha CAFÉ, eskola portugeza, projeto Formar mais ho INFORDEPE," dehan Visepresidente Camões, Gonçalo Teles Gomes, ba Ajénsia TATOLI, iha Ótel Timor, ne'ebé Timor-Post asesu teresa (12/6).

CAFÉ ne'e katak Centros de Aprendizagem e Formação Escolar no INFORDEPE (Instituto Nacional de Formação de Docentes e Profissionais da Educação).

"Alende ida ne'e, ami iha projete boot kona-ba desenvolvimentu agrikulturál. Ami mós termina daudaun hela, iha ámbitu rekonstrusaun pouzada iha Maubara (Likisa) no sei entrega iha fulan hirak tuir mai ba governu Timor-Leste," informa tan Visepresidente Camões.

Nune'e mós, iha área justisa, liuliu kapasitasaun ba polísia sira. "Purtantu, atividade kooperasaun ida ne'ebé luan tebes, nomós iha saúde, iha komunikasaun sosiál. Tanba ne'e, kooperasaun portugeza dinámika



tebes iha setór oioin," haktur Visepresidente Camões.

Área temática haat ne'ebé sai hanesan komponente Instituto Camões mak fiskalizasaun finanseira, auditória finanseira, kriminalidade ekónómiku-finanseira no kontrolu sosiál ho destinu ba órgaun komunikasaun sosiál sira iha Timor-Leste.

To'o ohin loron, Instituto Camões no UE promove ona atividade no projeto oin-oin iha Timor-Leste, hodi fó apoiu no asisténsia ba setór oin-oin iha sosiiedade timorense.

Enkuantu, xefe delegasaun UE, embaixadór Alexandre Leitão afirma fundu pursentu 95 husi EU no pursentu lima husi Camões ne'e sei implementa husi Institutu Camões-IP, Portugal.

"Ami-nia esperativa ne'e mais alta possível. Hanesan ami hateten tiha ona, bainhira hahú

halo diskusaun hateten, ami iha ne'e la'ós ko'alia kooperasaun maibé halo kooperasaun. Agora kooperasaun ne'e, ho período tinan lima, hodi hadi'a instituisaun Timor-Leste nian," dehan embaixadór Alexandre Leitão perante profisionál komunikasaun sosiál sira.

Entretantu, iha atividade apresentasaun fundu ne'e marca prezensa no husi representante oradór nasional Timor-Leste nian, hanesan Parlamento Nasional, Sekretária Estadu Prezidénsia Konsellu Ministru no Komunikasaun Sosiál, Unidade Auditória Sosiál.

Inklui, Komisaun Anti-Korupasaun, Polisia Sientífika Investigasaun Kriminál, Inspeasaun Jerál Estadu nian, Tribunál Rekursu/Câmara de Contas, Prokuradória Jerál Repúblika nian no FONGTIL, inklui mós Embaixadór Portugal, José Pedro Machado. (*/jos)